

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZENICI
Broj: 43 0 St 247394 24 St
Zenica, 03.07.2025. godine

Općinski sud u Zenici, sutkinja Marina Šapina, u stečajnom postupku nad društvom Optimax BH d.o.o. Tešanj, Rosulje br. 49, Jelah, Tešanj, zastupan po punomoćniku Fuad Prnjavorac, odvjetnik iz Tešnja, odlučujući o prijedlogu privremenog stečajnog upravnika Izudin Alić iz Tešnja, Raduša b.b., nakon održanog ročišta dana 29.04.2025. godine, u prisustvu privremenog stečajnog upravitelja i punomoćnika predlagatelja, van ročišta dana 03.07.2025. godine, donio je:

R J E Š E N J E

Otvara se i zaključuje stečajni postupak nad društvom Optimax BH d.o.o. Tešanj, Rosulje br. 49, Jelah, Tešanj, MBS: 43-01-0575-09, zbog nepostojanja stečajne mase, te se nalaže brisanje ovog privrednog subjekta iz sudskog registra zavedenog u reg. ul. broj: MBS: 43-01-0575-09, a po pravomoćnosti ovoga rješenja.

O b r a z l o ž e n j e

Predlagatelj Optimax BH d.o.o. Tešanj, Rosulje br. 49, Jelah, Tešanj, zastupan po punomoćniku Fuad Prnjavorac, odvjetnik iz Tešnja, je ovom sudu dana 24.06.2024. godine, podnio prijedlog za otvaranje stečajnog postupka nad ovim privrednim društvom, zbog platežne nesposobnosti stečajnog dužnika.

Rješenjem ovoga suda br. 43 0 St 247394 24 St od 07.02.2025.. godine, pokrenut je prethodni postupak radi utvrđivanja uslova za otvaranje stečajnog postupka nad imovinom stečajnog dužnika Optimax BH d.o.o. Tešanj, Rosulje br. 49, Jelah, Tešanj, MBS: 43-01-0575-09 i za privremenog stečajnog upravnika imenovan je Izudin Alić iz Tešnja, Raduša b.b.

Na ročištu za ispitivanje uvjeta za otvaranje stečaja održanom dana 29.04.2025. godine, privremeni stečajni upravitelj je izjavio da ostaje kod svog izvještaja od 11.03.2025.god. Navodi da je obavio pregled prostora gdje je bilo registrovano sjedište društva, te obavio sve neophodne konsultacije sa punomoćnikom, direktorom i agencijom koja je za društvo vršila računovodstvene poslove. Ističe da se radi o specifičnom društvu jer su osnivači bili dva strana državljanina Republike Njemačke sa osnivačkim ulogom od 2.000,00 KM. Državljanin BiH je obnašao funkciju direktora, do su osnivači su ujedno bili registrovani kao prokuristi. Specifičnost poslovanja društva sa aspektom na finansijsko stanje se ogledalo u tome da su naprijed navedeni strani državljani imali svoje kompanije u Njemačkoj iste ili slične djelatnosti, a finansiranje domaćih projekata se vršilo putem pozajmice novčanih sredstava ili iznajmljivanja ili prodaje opreme za rad. Osnovna djelatnost društva je bila cestovni prijevoz robe a po tim se podrazumijevaju kranovi i auto dizalice. Problemi u poslovanju su se pojavili najvećim dijelom kao posljedica različitih poslovnih ideja i razmišljanja osnivača društva. Stečajni dužnik je posljednje poslovne aktivnosti obavio u januaru 2024. godine, kada je po uputstvima osnivača izvršeno otuđivanje, odnosno prodaja određene opreme, te vraćanje dijela pozajmljenih

sredstava. Prilikom izrade ovog Izvještaja korišteni su finansijski podaci iz godišnjeg izvještaja za 2024 godinu, koje je na ročištu predao u spis, jer su uz prijedlog predati dokumenti zaključno sa 31.12.2023. godine. Prema bilansu uspjeha za period 01.01.-31.12.2024. godine, ostvaren je prihod u visini od 3.493,00 KM i to po osnovu otuđenja, odnosno prodaje preostale opreme i postrojenja. S druge strane za isti period je ostvareni su ukupni rashodi od 40.095,00 KM od toga poslovni rashodi su iznosili 13.873,00 KM, a ostalo se odnosi na gubitke od finansijske imovine. Slijedom predmetnih podataka za 2024 godinu ostvaren je gubitak od 36.602,00 KM. Prema bilansu stanje na dan 31.12.2024. god. društvo je iskazalo ukupnu imovinu u iznosu od 12.589,00 KM a ista se sastoji od: dati avansi u iznosu od 415,00 KM, novac i novčani ekvivalent u iznosu od 11.670,00 KM, ostala imovina u iznosu od 504,00 KM. U potvrdi Zirat Bank d.d. koja je dostavljena uz izvještaj navedeno je da je račun blokiran i da na njemu nema sredstava čime proizlazi da u efektivnom smislu prethodno navedeni iznos od 11.670,00 KM i ne postoji, što je posljedica određenih gotovinski isplata a koje nisu pravdane odgovarajućom dokumentacijom. S druge strane u pasivi je iskazana stavka- negativni ukupni kapital u iznosu od 336.643,00 KM, a najvećim dijelom se sastoji od akumulirani, nepokriveni gubitaka iz prethodnih godina u iznosu od 302.041,00 KM. Ukupne obaveze društva iznose 349.232,00 KM i iste se sastoje od obaveza po kreditima u iznosu od 139.585,00 KM i kratkoročnih obaveza u iznosu od 209.647,00 KM. Navedene kratkoročne obaveze se sastoje od: obaveze prema dobavljačima u iznosu od 126.748,00 KM, ugovorne obaveze u iznosu od 29.337,00 KM, obaveze po kreditima u iznosu od 29.337,00 KM, te ostale obaveze koje se najvećim dijelom odnose na naknade i poreze i doprinose na isplaćene naknade. Pribavljena je i potvrda poslovne banke o stanju i statusu računa sa preciznim pregledom i rješenjima prinudne naplate blokiranih računa. Kako je navedeno na računu nema nikakvih sredstava, a račun je blokiran u iznosu od 5.776,01 KM od 19.08.2024. godine, nakon podnošenja prijedloga za otvaranje stečaja. Dalje navodi da su uz izvještaj dostavljene i potvrde i uvjerenja iz javnih registara i to: Uvjerenje Općinske službe za katastar nekretnina iz kojeg se vidi da društvo nema u posjedu odnosno suposjedu nekretnine, zatim Potvrda ZK ureda Općinskog suda u Tešnju da društvo nije upisano kao vlasnik odnosno suvlasnik nekretnina u zemljišnim knjigama ovog suda, te potvrda MUP-a ZDK- Odsjek Tešanj da društvo nema u svom vlasništvu registrovanih motornih vozila.

Posebno ističe da je u skladu sa čl. 61 stav 2 tačka b. Zakona o stečaju, utvrđeno da organ ovlašten za zastupanje stečajnog dužnika nije podnio prijedlog za otvaranje stečajnog postupka u roku od 60 dana od dana nastupanja platežne nesposobnosti. Iz poslovne dokumentacije i činjeničnog stanja iz bilansa stanja i uspjeha utvrđeno je da obaveze po kreditima, dugoročnim ili kratkoročnim, dobavljačima i prema javnim prihodima nisu izvršene i da su iste dospjele na plaćanje znatno ranije od 60 dana u odnosu obavezu podnošenja prijedloga za pokretanje stečajnog postupka.

Slijedom navedenog privremeni stečajniupravnik navodi, kako stečajni dužnik već izvjesno vrijeme ne obavlja poslovnu djelatnost, da ne postoji mogućnost da nastavi sa poslovanjem, da nema nikakve imovine, da nema zaposlenika, a ima visoke obaveze kako je već prethodno navedeno, prema povjeriocima, kao i po osnovu javnih prihoda. Smatra da su u potpunosti ispunjeni uvjeti za otvaranje stečaja, te predlaže da sud pozove povjerioce i zainteresirana lica da predlože otvaranje stečaja i predujme za troškove stečajnog postupka iznos od 5.000,00 KM, te ukoliko u ostavljenom roku ne predlože otvaranje stečajnog postupka i ne uplate predujam predlažem da sud donese Rješenje o otvaranju i zaključenju stečajnog postupka i po pravomoćnosti istog društvo briše iz Sudskog registra

Kako stečajni dužnik nema nikakve imovine koja bi činila stečajnu masu i iz koje bi se mogli namiriti barem djelimično troškovi stečajnog posutpka, a stečajni dužnik ne može nastaviti poslovanje, postoje razlozi za otvaranje stečajnog postupka iz razloga nastupanja platežne nesposobnosti stečajnog

dužnika u neprekidnom trajanju dužem od 60 dana. Svoje dospjele novčane obaveze stečajni dužnik nije izmirio od 2015. godine od kada mu je blokiran račun. Prijedlog za otvaranje stečajnog postupka je dopušten i osnovan, odnosno podnesen je od ovlaštenog lica, te su se stekli zakonski uvjeti za otvaranje stečajnog postupka nad stečajnim dužnikom u skladu sa odredbama člana 6. Zakona o stečaju, pa kako stečajni dužnik ima obaveze, a nema dovoljno imovine, pa ni za troškove stečajnog postupka privremena stečajan upraviteljica predlaže da sud pozove povjerioce i zainteresirana lica da u roku od 30 dana predlože otvaranje stečajnog postupka i predujme iznos od 5.000,00 KM na ime troškova stečajnog postupka, te da ukoliko u ostavljenom roku ne predlože i ne uplate predujam sud donese rješenje o otvaranju i zaključenju stečaja nad navedenim stečajnim dužnikom

Rješenjem od 29.04.2025.god., sud je pozvao povjerioce i zainteresirana lica da u roku od 30 dana od dana objavljivanja poziva predlože otvaranje postupka i uplate predujam za obezbjeđenje troškova stečajnog postupka u iznosu od 5.000,00 KM, na depozitni račun ovoga suda.

Rješenje ovoga suda od 29.04.2025. godine, objavljeno je na oglasnoj ploči suda dana 07.05.2025. godine, na web stranici suda i u „Službenim novinama Federacije BiH“ broj: 37/25 od 21.05.2025.godine.

Kako stečajni dužnik ima obaveze, dok nema imovine, pa ni za namirenje troškova stečajnog postupka, a povjerioci i zainteresirana lica u roku ostavljenom u rješenju donesenom od strane ovoga suda nisu predložili otvaranje stečajnog postupka niti predujmili novčani iznos potreban za pokrivanje troškova stečajnog postupka, to je primjenom odredbe člana 102. stav 8. Zakona o stečaju, odlučeno kao u izreci ovog rješenja.

Sukladno odredbi člana 108. i člana 204. stav 5. Zakona o stečaju, ovim rješenjem određen je upis rješenja o otvaranju i zaključenju stečajnog postupka koje usljed nedostatka mase prestaje postojati, te brisanje ovog pravnog lica iz sudskog registra.

Sutkinja:

POUKA O PRAVNOM LIJEKU

Protiv ovog rješenja može se izjaviti žalba
Kantonálnom sudu u Zenici u roku od 8 dana
od dana prijema, putem ovog suda. Žalba se dostavlja u
dovoljnom broju primjeraka za sud i protivnu stranku.

Marina Šapina